

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

Ethicè.

[urn:nbn:de:hbz:466:1-68709](#)

favere animadvertis: Heus soror, inquit, quām ego formosus sum ad te collatus, & quām tu nihil habes formæ; ò deformem Canidiam! Puerilla impatiens tam acerbi vituperij rem patri detulit, & fratrem graviter accusavit, quòd speculum, rem feminarum, inspicerit. Pater utrūque peramanter amplexus, ò mea pignora, inquit, cupio, ut speculum quotidie inspiciatis: Tu quidem, Hyacinthule, ne scitam & decoram speciem pravis moribus, vitijsque corrumpas: Tu verò, Tulliola, ut se-quiorem formam virtutibus & morum concinnitate commendes. Sic ambo rectissimè habebitis. Imitentur igitur Minervam, quicunque & quæcunque dignitatem corporis malis moribus deformant: & abijciant, quidquid pulchritudinem non tam oris, quām animi corruptit. Fa-ctura hoc fuisset Helena, illud olim venustatis miraculum & oculorum tormentum, si quemadmodum, in orbe vitro sibi placuit juvencula, a-nimum adjecisset ad larvam, canis crinibus inducendam. De hac O-vid. lib. 15. metam.

Flet quoque, ut in speculo rugas conspexit aniles
Tyndaris, & secum, cur bis sit rapta, requirit.

SYMBOLVM III.

Marsyas excoriatus.

6. Metam. & 6. Faſtor.

Ethicè.

1. Obtrectator temerarius. 2. Inflati Musici. 3. Inanis jačtantia.

EPræcedenti fabula intelleximus, Minervam deprehensa vultus inflatione, ex tibiæ cantu, abjecisse tibiam, foedum oris virginei de-honestamentum. Eam fistulam in ripa paludis Tritonidis jacentem, fortè conspicatus *Marsyas*, quidam ex horridis satyris, plus in mento pilorum, quām in mente Sapientiæ gestantibus, sustollit homo, inflat ore, premit digitis, elicit sonum, placet modulamen, eò denique arrogantiæ delabitur, ipsum ut Phœbum, divinum citharœdum, aude-ret in certamen provocare, sed maximo suo malo: nam ab adversario victus, & abstractâ per artus cute, miserrime laniatus est; Marsyas, comiſeratione deorum in fluvium cognominem suo difluxit cum sanguine, quem flentes Nymphæ agrestes fusis auxerunt lacrimis. De hac fabula Ovidius 6. faſtorum:

B

Prima



Prima terebrato per rara foramina buxo
 Ut daret, effeci, tibia longa sonos.
 Vox placuit: faciem liquidis referentibus undis
 Vidi, & virgineas intumuisse genas.
 Ars mihi non tanti est, valeas mea tibia, dixi:
 Excipit abjectam cespite ripa suo.
 Inventam Satyrus primū miratur, & usum
 Nescit, & afflatam sentit habere sonum.
 Et modò dimittit digitos, modò concipit auras:
 Jāmque inter Nymphas arte superbus erat.
 Provocat & Phœbum: Phœbo superante pependit;
 Cæsa recesserunt à cute membra sua.

Et 6. Metam.

Quem Tritoniaca Latōus arundinē victum
 Affecit pœna. Quid me mihi detrahis? inquit:
 Ah! piget: ah! non est, clamabat, tibia tanti.
 Clamantis cutis est summos direpta per artus,
 Nec quicquam nisi vulnus erat, crux undique manat,
 Detectique patent nervi, trepidæque sine ulla
 Pelle micant venæ. Salientia viscera posse
 Et perlucentes numerare in pectore fibras.
 Illum ruricolæ silvarum Numina Fauni,
 Et Satyri fratres, & tunc quoque clarus Olympus, (a)
 Et Nymphæ flérunt, & quisquis montibus illis
 Lanigerosque greges, armentaque bucura pavit.
 Fertilis immaduit, madefactaque terra caducas
 Concepit lacrimas, ac venis perbibit imis.
 Quas ubi fecit aquas, vacuas emisit in auras.
 Inde petens rapidum ripis declivibus æquor;
 Marsya nomen habet, Phrygiæ liquidissimus amnis.

Ethica.

I. (b) Per Marsyam denotatur obtrectator temerarius, qui non veretur
 viros doctrina ac virtute præstantes maledicis scriptis laceſſere. Quales sunt
 Thrasonici quidam Litteratores, qui *Latiæ, Cecropiæ, Minervæ* tibiæ, hoc est,
 eruditione aliqua tumentes, nomē sibi inter contribules, ut Marsyas inter Sa-
 tyros

(a) *Nomen Satyri est.* (b) *Temerarius obtrectator.*



tyros & agrestes Nymphas, pepererunt. Hi nesciunt suam intra pelluculam, quod Martialis Cerdonem monet, se tenere: sed vel famosis libellis, vel Theoninis scriptis contra viros claros insurgunt, graculi contra luscinias, Grammatici contra Theologos, Legulei adversus Juris Antistites, rabulae in Tullios, Chœrili & Mævij contra Marones, & alios Vates, Apollinea lauro cinctos. Quid querunt? nomen ex temeritate; cupiunt inclarescere chartis, non alia luce, quam Vulcaniam dignis. Sic Herostratus, impurissimus nebulo, templum Ephesinae Dianæ incendit, ut famam consequeretur infamiam. Sed hujusmodi corniculæ non raro in Aquilas incident, quarum acie deprehenditur inscitia, & ad solem exposita, generosis unguibus deplumatur ac discerpitur, detractaque male cohærentium calumniarum, sophismatum, scommatum cuticulæ, sapientibus in ludibrium prostituitur. Sic sus Minervam, sic Dares Entelium, sic Marsyas Apollinem lacepsit. Martialis obtrectatorem talem reicit tanquam indignum, quem illustreret respondendo lib. 5. Epigram.

Allatres licet usque nos, & usque
Et gannitibus improbis lacepsas:
Certum est, hanc tibi pernigare famam,
Olim quam petis è meis libellis,
Qualiscunque legaris ut per orbem.
Nam te cur aliquis sciat fuisse?
Ignotus pereas miser, necesse est.
Non deērunt tamen hac in urbe forsitan,
Unus, vel duo, trésve, quatuorve,
Pellem rōdere qui velint caninam
Nos hac à scabie tenemus unguies.

Senecæ dictum est lib. 2. de Ira. Ultionis contumeliosissimum genus est, non esse dignum visum, ex quo peteretur ultio; quod pertinet illud ex fabulis:

Tauri sedebat vilis in cornu culex:
Volare num se vellet, ipsum interrogat.
Respondet ille: nec sedentem noveram,
Nec evolantem te profecto sentiam.

Id hodieque à viris sapientibus observatur, præsertim in argumen-to Controversiarum Religionis, quam alij atque alij, velut canes Lunam, allatrant, & millies refutata novis clamoribus urgent. Quibus aliquando respondendo contunditur os. juxta illud Salomonis Prov. 26. Responde stalto juxta stultitiam suam, ne sibi sapiens esse videatur. Ali-

quando tamen satius est, maledicentiam ulcisci contemptu. Quod ibidem c. 27. v. 22. Sapientissimus monet: *Nē responde stulto juxta stultitiam suam, ne efficiaris ei similis*, frustra cum infano contendendo. Nam, *Si contuderis stultum in pila, quasi prisanas, non auferetus ab eo stultitia.* Pendent in Apollinis templo plurimæ Marsyarum excoriatorum pelles, non ideo tamen absterrent maledicum canentis Satyri calatum, ne Phœbum, intellige virum sapientia præditum, temeraria provocacione incessat. Indicat hoc Xenophon, ἀνθρώπως. dum refert, Marsyam vietum, pelleque spoliatum ab Apolline, ἐγένετο οὐ περισσότερον certantem sibi de sapientia. Eiusmodi stultitiae mercedem etiam tubicen ille Misenus tulit, de quo Maro 6. Aeneid.

Sed tum fortè, cavā dum personat aquora conchâ,
Demens, & cantu vocat in certamina Divos,
Æmulus exceptum Triton (si credere dignum est)
Inter saxa virum spumosa immerserat undâ.

Hoc habet majora viribus tentans audacia. Per illa verba: *Si credere dignum est.* ostendit Poëta, se dubitare, utrum homo tantæ extiterit audaciæ, ut deos in certamen provocaret. Atque hæc de pellicula Marsyæ, infelicissimi tibicinisi.

II. (b) Latet etiam alius sensus in hac fabula; quam finxisse dicuntur Athenienses, apud quos, cum eloquentiæ & sapientiæ studia florarent; apud alios autem, præsertim Thebanos, tibicines & aulœdi, liberalium artium studiosis præferrentur; induxerunt rusticam Satyri tibiam cum suavissima Phœbi lyra certantem, meritisque pœnas dantem. Conqueritur de tam præpostero judicio Martialis lib. 5. ad Lupum,

Cui tradas, Lupe, filium magistro
Quæris sollicitus, diuīque tentas.
Omnes Grammaticosque, Rhetorásque
Devites moneo; nihil sit illi
Cum libris Ciceronis aut Maronis
Farnæ Tutilium suæ relinquat:
Si versus facit, abdices poëtam;
Artes discere vult pecuniosas,
Fac discat citharœdus aut choraules.

Idem lib. 6. ad Severum.

Prætores duo, quattuor Tribuni
Septem caussidici, decem Poëtæ

(b) Inflatæ Magci.

Cujusdam

Cujusdam modò nuptias petebant
A quodam sene: non moratus ille
Præconi dedit Eulogo puellam
Dignum quid fatuo, *Severe* fecit?

Quasi diceret: Nunquid sapienter? nam jacent artes ingenuæ; nec honos eis, nec prœmium rependitur. Aulœdi, citharœdi, lyricines, & mensarum sectatores Sycophantæ rem faciunt nugis & facetijs; viri boni & litteris exculti cum paupertate & inopia conflictantur. Cujus rei Symbolum est *acanthis in spinis* vivens (unde Spinus & Spinulus dicitur) & tamen suaviter canens, cui perpetuæ cum asino inimicitæ. Aristot.

III. (c) Moralem doctrinam suppeditat *Tibia*, quam Minerva abjecit, Marsyas invenit. Hac ille supra sortem suam inflatior, sperbat è divino canendi instrumento, divinum quoque, & civis Apollini parem cantum profluxurum. Stolidè. Sunt enim *arma sine arte*, quod gladius sine mucrone; manus sine nervo; nomen sine re. Huc facit, quod Martinus Barletius scribit de Georgio Castrio, cui heroica facta cognomentum Scanderbegi, seu Alexandri peperere. Is acinace suo poterat hostes ad umbilicum usque medios dividere; unde Mahometes Turcarum Imp. desiderio videndi tam potentis gladij, eum sibi mitti petit. Qui cùm non multùm ab ense vulgari differe videretur, subduxit Mahometes, an illo ferro vulnera tam truculenta fuissent edita; cui renuntiatum à Scanderbego, acinacem quidem à se missum, quo soleret in prælijs uti, deesse tamen ferro brachium, quō fuisset illud vibratum. Unde Symbolum: *non gladius, sed manus: non fistula, sed ars.*

(c) *In manus iactantia.*

SYMBOLVM IV.

Midas inauratus.

II. *Metam.*

Ethicè.

1. Infelicitas divitum.
2. Stultitia votorum humanorum.

Gordius Phryx, agresti & ignobili genere ortus, rex Phrygiæ consalutatus est ab omnibus; quod ex Apollinis oraculo, primus templum Jovis recens in urbe Gordio adificatum, ingressus fuisset; in cuius

B 3